



REPubLIKA E KOSOVËS - REPUBLIKA KOSOVO
KOMUNA E VUSHTRRISË-OPŠTINA VUÇITRN

01 Nr. / Br 137/20

Nr. i fq. / Br. st -5-

Data: / Datum 30. 07. 2020

VUSHTRRI - VUÇITRN



**REPUBLIKA E KOSOVËS
KUVENDI I KOMUNËS - VUSHTRRI**

**RREGULLORE
(KKV) NR.06/2020 PËR FILLIMIN DHE MBARIMIN E ORARIT TË
PUNËS SË VEPRIMTARIVE AFARISTE - BIZNESEVE NË KOMUNËN E
VUSHTRRISË**

Korrik, 2020

Në bazë të nenit 12, paragrafi 2 shkronja (c) dhe nenit 17 shkronja (n) të Ligjit Nr.03/L-40 për Vetëqeverisje Lokale, nenit 40 të Ligjit Nr.2004/18 për Tregtinë e Brendshme, dispozitave të nenit 41, paragrafi 2 pika (c) të Statutit të Komunës së Vushtrrisë, Kuvendi i Komunës së Vushtrrisë, në mbledhjen e mbajtur më **30 korrik 2020** miratoi këtë:

RREGULLORE
PËR FILLIMIN DHE MBARIMIN E ORARIT TË PUNËS SË VEPRIMTARIVE AFARISTE -
BIZNESEVE NË KOMUNËN E VUSHTRRISË

Neni 1
Qëllimi

Me këtë Rregullore përcaktohet fillimi dhe mbarimi i orarit të punës për veprimtaritë tregtare dhe veprimtaritë tjera: prodhuese, shërbyese, hoteleri, ndërtimtari, zejtari dhe të tjera, të cilat veprojnë në territorin e Komunës së Vushtrrisë.

Neni 2
Fushëveprimi

Veprimtaritë afariste - bizneset në pajtim me nenin 1 të kësaj rregulloreje janë të obliguara t'i përmbahen orarit të punës, të përcaktuar me këtë rregullore.

Neni 3
Orari i punës

1. Orari i punës nënkupton periudhën kohore të fillimit dhe mbarimit të punës.
2. Orari për fillimin dhe mbarimin e punës, i përcaktuar me këtë rregullore, duhet të vendoset në hyrje apo në vend të dukshëm të objektit në të cilin kryhet veprimtaria afariste - biznesi dhe duhet saktësuar fillimi dhe mbarimi i orarit të punës dhe ditët që nuk punohet.
3. Orari i punës përcaktohet në bazë të dy periudhave, në atë verore dhe dimërore, në këto intervale kohore:
 - 3.1 Periudha verore fillon më 01.04. dhe zgjatë deri më 30.09. të vitit kalendarik;
 - 3.2 Periudha dimërore fillon më 01.10. dhe zgjatë deri me 31.03. të vitit kalendarik.

Neni 4

Orari i punës për dyqane zejtare dhe veprimtari të ngjashme

1. Orari i punës fillon dhe mbaron:
 - a) Periudhës verore prej orës 07:00 – 22:00
 - b) Periudhës dimërore prej orës 08:00 – 20:00
2. Ditën e vikendit (e diel) dyqanet zejtare nuk do të punojnë, në përjashtim të furrave të bukës

Neni 5

Orari i punëve i supermarketeve, vetëshërbime, dyqanet tregtare ushqimore, pijeve dhe duhanit, tekstilit, këpucëve, mobilieritë dhe teknikës të bardhë

1. Orari i punës supermarketeve, vetëshërbime, dhe dyqaneve tregtare ushqimore, pijeve dhe duhanit fillon dhe mbaron:
 - a) Në periudhën verore prej orës 07:00 – 23:00
 - b) Në periudhën dimërore prej orës 08:00 – 22:00
2. Orari i punës i dyqaneve tregtare të tekstilit, dyqaneve të këpucëve, mobilieritë, teknikës së bardhë dhe dyqanet tregtare jo ushqimore do të jetë :
 - a) Periudha verore, prej orës 07:00 – 21:00
 - b) Periudha dimërore, prej orës 08:00 – 20:00
3. Ditën e vikendit (e diel) bizneset nga neni 5 nuk punojnë.

Neni 6

Orari i punës i depove të artikujve ushqimor dhe higjienik, depove të materialit ndërtimor, ndërmarrjet ndërtimore (ndërtim i ultë dhe i lartë) dhe ndërmarrjeve të cilat merren me prodhimin e betonit

1. Orari i punës për depot e artikujve ushqimor dhe higjienik do të jetë :
 - a) për të dy sezonet 08:00 – 17:00
2. Orari i punës për ndërmarrjet ndërtimore (ndërtim i ultë dhe i lartë), ndërmarrjeve të cilat merren me prodhimin e betonit dhe depove të materialit ndërtimor do të jetë :
 - a) Në periudhën verore prej orës 08:00 – 18:00
 - b) Në periudhën dimërore prej orës 08:00 – 17:00.
3. Ditën e vikendit (e diel) dhe ditëve të festave zyrtare bizneset nga neni 6 nuk punojnë.

Neni 7

Orari i punës për kafene, hotele, motele, restorante, qebaptoret dhe gjellëtoret

1. Orari i punës për kafene, restorante, do të jetë :

- a) Në periudhën verore prej orës 07:00 – 00:00
- b) Në periudhën dimërore prej orës 08:00 – 23:00

2. Orari i punës për : hotele, motele është i njëjtë në të dy sezonet 24 orë – (NON STOP)

3. Orari i punës për gjellëtoret dhe qebaptoret për të dy sezonet do të jetë nga ora 07:00 – 23:00

a) Ditën e vikendit (e diel) bizneset nga paragrafi 3 nuk do të punojnë

4. Përrjashtimisht nga pika 1 e këtij neni, mund të punojnë më gjatë se orari i punës, por jo më shumë se ora 03:00 e mëngjesit.

5. Situatat nga paragrafi 4 i këtij neni realizohen duke kërkuar leje të veçantë (24 orë më herët) të cilën e lëshon Drejtoria për Ekonomi, Bujqësi, Pylltari dhe Zhvillim Rural, ndërsa për vazhdimin e orarit të punës duhet paguar taksën shtesë njëzet (20.00) € për orë.

6. Veprimtaritë afariste – bizneset që organizojnë muzikë live, pas pajisjes me leje të veçantë, për veprimtari pas orarit të punës, duhet të paguajnë shumën prej 50.00 € për orë, por jo më gjatë se në ora 03:00 të mëngjesit.

Neni 8

Orari i punës për aktivitete sportive dhe rekreative, lojërat zbavitëse, Internet kafe

1. Orari i punës për stadiumet e improvizuara të futbollit, palestrat sportive dhe objektet tjera sportive dhe rekreative do të jetë : 08:00 – 00:00

2. Orari i punës për lojërat zbavitëse dhe Internet caffè do të jetë :

- a) Në periudhën verore prej orës 07:00 – 00:00
- b) Në periudhën dimërore prej orës 08:00 – 23:00

Neni 9

Ruajtja e qetësisë publike gjatë aktiviteteve sportive dhe rekreative

Veprimtaritë e parapara në nenet 7 dhe 8 të kësaj rregulloreje, gjatë orarit të punës nuk mund t'ua prishin qetësinë qytetarëve që banojnë në afërsi të tyre.

Neni 10
Orari i punës për qendrat e thirrjeve “Call Center”

Bizneset që ushtrojnë veprimtari “Call Center” dhe veprimtari të ngjashme, orari i punës do të përshtatet me orarin e punës sipas orës së shteteve të cilat kanë tjetër matje kohore.

Neni 11
Orari i punës për tregje

1. Orari i punës për tregjet e qytetit dhe tregjet e lokaliteteve do të jetë:
 - a) Në periudhën verore prej orës 07:00 – 19:00
 - b) Në periudhën dimërore prej orës 08:00 – 18:00.
2. Tregu i gjelbër është i hapur ditëve të javës, përveç të dielave dhe ditëve të festave shtetërore.
3. Tregu i kafshëve punon vetëm ditën e premte, prej orës 07:00 – 15:00.

Neni 12
Kufizimet kohore specifike për programe muzikore

Në objektet hoteliere, të cilat gjenden në afërsi prej 100 m nga objektet e banimit, e në të cilat organizohet program muzikor apo me audio-video, mjete për reproduktimin e programit, nuk mund të mbahet pas orës 00:00.

Neni 13
Orari i punës për pikat e shitjes së karburanteve

1. Orari i punës për pikat e shitjes së karburanteve është i njëjtë për të dy sezonet 24 orë - NON STOP
2. Restorantet marketet dhe veprimtaritë tjera afariste të cilat janë të ngjitura me pika të shitjes të karburanteve mund të punojnë për të dy sezonet 24 orë - NON STOP duke marrë leje të posaçme nga Drejtoria për Ekonomi, Bujqësi, Pylltari dhe Zhvillim Rural, pas pagesës të taksës vjetore prej 600.00 €

Neni 14
Orari i punës për barnatore, ordianca dhe klinika private

1. Orari i punës për barnatore, ordianca dhe klinika private do të jetë i njëjtë për të dy sezonet dhe fillon prej orës 07:00 ndërsa mbaron në orën 23:00.
2. Barnaret në qytet do të veprojnë në harmoni me planin për kujdestari të hartuar në bashkëveprim me Drejtorinë për Shëndetësi dhe Përkujdesje Sociale dhe Drejtorinë për Ekonomi, Bujqësi, Pylltari dhe Zhvillim Rural .
3. Orari i kujdestarisë për barnatore fillon nga ora 23:00 deri në ora 07:00

Neni 15
Gjobat

Të gjitha veprimtaritë afariste - bizneset do të gjobiten për kundërvajtje nga 300.00 – 1,000.00 €, në qoftë se veprojnë në kundërshtim me dispozitat e kësaj rregulloreje.

Neni 16
Mospërfillja e kodit afarist

Veprimtaritë afariste - bizneset të cilat marrin leje për orar të zgjatur të punës, nëse nuk e përfillin kodin afarist dhe rrezikojnë sigurinë e qytetarëve, do t'u merret leja për orar të zgjatur e punës (pa kompensim) e lëshuar nga Drejtoria e Ekonomisë, Bujqësi, Pylltari dhe Zhvillim Rural.

Neni 17
Përgjegjës për zbatimin e kësaj rregulloreje

Për zbatimin e kësaj rregulloreje do të kujdeset: Drejtoria për Inspektime, Drejtoria për Ekonomi, Bujqësi, Pylltari dhe Zhvillim Rural, Policia e Kosovës, Gjykata Themelore në Mitrovicë – Dega në Vushtrri, Departamenti i Përgjithshëm – Divizioni për Kundërvajtje.

Neni 18
Harmonizimi i orarit të punës për të gjitha veprimtaritë afariste

Të gjitha veprimtaritë afariste - bizneset, janë të obliguara që të harmonizojnë orarin e punës me dispozitat e kësaj rregulloreje, në afatin prej tridhjetë (30) ditëve, nga dita e hyrjes në fuqi të kësaj rregulloreje.

Neni 19
Dispozitat kalimtare dhe përfundimtare

Me hyrjen në fuqi të kësaj Rregulloreje, shfuqizohet Rregullorja KKV Nr.01-15/20 Për Fillimin dhe Mbarimin e Orarit të Punës së Veprimtarive Afariste – Bizneseve në Komunën e Vushtrrisë datë 30.01.2020.

Neni 20
Hyrja në fuqi

Kjo rregullore hyn në fuqi pesëmbëdhjetë (15) ditë pas regjistrimit në Zyrën e Protokollit në Ministrinë e Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

Nasuf Aliu

Kryesues i Kuvendit

